



Aqqalu C. Jeremiassen  
Inatsisartuni ilaasortaq,  
Atassut  
/Maani

**§ 37 naapertorlugu apeqqummut nr. 2019/179-imut aalisarnermut piniarnermullu nakkutilliinermik aaqqissuussaq pillugu akissut**

20-05-2019  
Suliap normua: 2019-12612  
Allakkat nr. 10810357

Asasara Aqqalu C. Jeremiassen.

Inatsisartut inatsisaat § 37 imm. 1 naapertorlugu Naalakkersuisunut apeqquteqarputit aalisarnermik piniarnermillu aaqqissuussineq pillugu. Apeqqutit uanga suliassaqarfinnit akineqartussanngorlugu innersuunneqarpoq.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

**1. Piniarnermut Aalisarnermullu Nakkutilliisut sineriapiluunersuatsinni amerlisarneqarnissaat pillugu Naalakkersuisut qanoq pilersaaruteqarpat?**

Naalakkersuisut isumaqarput sineriammi piniarnermik aamma aalisarnermik nakkutilliisunik pisariaqartitsineq maannakkut amerlassusaannik matussuserneqartoq. 1-mut tunngatillugu matumani apeqqummut innersuunneqarsinnaavoq siornatigut apeqqutip assinga pillugu akissut; § 37 nr. 113\_2016.

**2. Sinerissatsinni nakkutilliisugut atugassarititaat naammagisimaaginnarneqarsinnaanngitsut tusarneqartarpoq, atungassarititaasut soorlu; angallateqarnerit allallu assigisai qanoq Naalakkersuisunit pitsanngorsaavigineqarnissaanik siunnerfeqartoqarpa?**

2-mut tunngatillugu. Matumani apeqqummut innersuunneqarsinnaavoq siornatigut apeqqutip assinga pillugu akissut takuuk; § 37 nr. 113\_2016.

Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalakkersuisoq



## Indgået

18 MAJ 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

Asasara Siverth K. Heilmann.

Qujanaq piniarnermik nakkutilliineq pillugu apeqquternut. Ataani akissuteqarfigissavakka.

### 1. Piniarnermik nakkutilliisut massakkorpiaq qanoq amerlatigippat?

#### 1. pillugu

Maannakkut piniarnermik nakkutilliisut arfineq-pingasut aamma ikiortit pingasut Kalaallit Nunaanni Aalisarsinnaanermik Akuersissutinik Nakkutilliisoqarfimmi (KANUAANA-mi) atorfeqarput. Tamatuma saniatigut aalisarnermik nakkutilliisut arfinillit KANUAANA-mi atorfeqarput, taakkualu piniarnermik nakkutilliisut suliasarpaaluit pillugit qanimut suleqatigisarlugit.

### 2. Piniarnermik nakkutilliisut Naalakkersuisuni naammattutut isigineqarpat?

#### 2. pillugu

Isumalluutitut atorneqarsinnaasunut atatillugu amerlassusaat naammattutut Naalakkersuisut isigaat. Ukiut 20-t kingulliit ingerlaneranni piniarnermik aamma sinerissap qanittuani aalisarnermik aqutsinermi suliasat annertuumik ineriartorput. Siornatigut piniarnermik nakkutilliisut sumiiffinni ilisimasaqarnerat tunngavigalugu atorfinitsinneqartarput, kisianni maannakkut sulianik ingerlataqarnermi nutaaliaasumi pinnaasanut piumasaqaatit annertunipilussuupput, kiisalu piniarnermik aalisarnerlu pillugit malittarisassarpasuarput ilisimasaqarnissamut. Nakkutilliinermi sulisussarsiortarnek suliffeqarfiit oqartussaasoqarfiillu allat sakkortuumik unammineqarput, assersuutigalugu politiit.

KANUAANA'p piniarnermik nakkutilliisut sapinngisamik pikkorissartarpai ilinniagaqaqqitsillugillu aqqissugaanerup iluaniit Naalakkersuisut immikkoortortaqarfiiniit allaniit kiisalu allaffeqarfiup avataani suleqatiniit suliniuteqarnikkut. Pingaartillugu salliutinneqartarpoq siunnersoqatigiinnerup ilisimasaniillu avitseqatigiinnerup, piniarnermik nakkutilliisut akornanni aammali piniarnermik nakkutilliisut aqutsisullu akornanni qulakkiisallugu, ilaatigut inatsisit nalunaarutillu pillugit paasissutissiineq aqqutissiunniarlugu taakkualu nassuiaateqarfiginissaat. KANUAANA ilanngullugu taaneqareersutut piniarnermik nakkutilliisut aalisarnermik nakkutilliisoqatigiinnit tapersersortarpaa.

Brevdato: 13-05-2016  
Sags nr. 2016 - 1237  
Akt id. 2777887

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanaoq.gl  
www.naalakkersuisut.gl

### **3. Piniarnermik nakkutilliisut illoqarfinni sorlerna aamma ikiorteqarnerat qanoq inissisimava?**

#### 3. pillugu

Nuummi, Maniitsumi, Sisimiuni, Ilulissani, Upernavimmi Ittoqqortoormiinnilu piniarnermik nakkutiisoqarpoq.

Sumiiffinni unioqqutitsisoqaratarsinnaanerani, nakkutilliineramik aamma piniarneq aalisarnerlu pillugit pisariaqartitsinerpaasuni, nalilersuereernermi piniarnermik nakkutilliisut, ikiortit aamma aalisarnermik nakkutilliisut nakkutilliisoqanngitsuni piniarnermilluunniit nakkutilliisoq ikiorneqarnissaanik pisariaqartinneqartumi nakkutilliartortinneqartarput.

### **4. Piniarnermik nakkutilliisut angallateqarnerat qanoq inissisimava, tamarmik atorsinnaappat?**

#### 4. pillugu

KANUAANA angallataateqarpoq tallimanik 34-35 fod-itut angissusillit, angallat mikineq 21 fod-inik angitigisoq kiisalu umiatsiaaqqat sisamat. Piffissami 2009-miit 2012-ip tungaanut angallatit motoorii taarsersorneqarsimapput, taamaasilluni angallavigisinnaasaat malunnaatilimmik annertusillugit. Angallatit taakku piniarnermik nakkutilliisut aamma aalisarnermik nakkutilliisut sulinerminnut atatillugu atorsinnaavaat. Angallatit misissortinnissaannut aserfallatsaaliornissaannullu sineriammi periarfissat killeqarput, taamaattumik ukiumoortumik misissortinneqartarnerat upernaakkut angalalersinnaaneri siunertaralugu Nuummi ukiuunerani ingerlanneqartarpoq. Kitaani illoqarfinnut anginernut angallatit agguataagaapput, taamaalilluni nakkutilliinermi suliasarpasuit assigiinneqisut ingerlanneqarsinnaanissaat pitsaanerpaamik qulakkeerlugu.

KANUAANA'p angallataatai ukiukkut angalanissamut naleqqussagaanngillat, kisianni Arktisk Kommando-mik suleqateqarneq KANUAANA'p tamatumani iluaqutigisinnaavaa.

### **5. Ukiaanerani tuttunniarnerup umimmanniarnerullu nalaani soorlu Kangerlussuarmi ataasiinnarmik ikiorteqartitsiinnarluni piniariarpassuarnik nakkutilliiniarneq naammattutut isigineqarnerluni?**

#### 5. pillugu

Kangerlussuarmi piniarnermik nakkutilliisunik imaluunniit ikiortinik ataavartumik nakkutilliisoqanngilaq. Kangerlussuaq sumiiffinnit qaninnerusunit suliarforfigineqartarpoq, soorlu Maniitsumiit, Sisimiuniit ilaatigullu Ilulissaniit Nuummiillu. Piniarneq ukiup ilaannaani ingerlanneqartarmat, tamaani nakkutilliineq sunniuteqarluarnerpaaq piniarnerup nalaani piniarnermik nakkutilliisunik aamma ikiortinik suliarortunik ingerlanneqartarpoq, sumiiffimmi sulisunik ataasiakkaanik ataavartumik inissiisoqanngikkaluarluni.

## **6. Qaleralaqarfinni il.il. nakkutilliineq naammattutut isigineqarnerluni?**

### 6. pillugu

Aqutsiveqarfiit pingasut, Upernavik, Uummannaq aamma Qeqertarsuup Tunua annertuupilussuupput. Taamaattumik qaleralinniarluni aalisarnermik nakkutilliineq unioqqutitsisoqaratarsinnaaneranik tunngavilimmik nalilersuinikkut ingerlanneqartarpoq. Sumiiffiit taama annertutigisut angallatit angissusaannut atorpeqarsinnaassusiannullu annertuumik piunasaqaatitaqarpoq. KANUAANA arlaleriarluni Arktisk Kommando-mik qanimut suleqateqatigiinnermik pisariaqartitsineranut takussutissaavoq, piniarnermik nakkutilliisut angallataat Søfartsstyrelseminngaanniit ilaatigut Qimusseriarsuarmut angalaqqusaanermut akuersissuteqannginnerat.

## **7. Naalackersuisut piniarnermik nakkutilliineq akisussaaffimmik kommuune-nut nuutsisinnaarnermik pilersaaruteqarnerlutik?**

### 7. pillugu

Naalackersuisut piniarnermik nakkutilliisoqarnerup kommuunenut nuunneqarnissaannut pilersaaruteqanngillat. Pingaaruteqarpoq nakkutilliinermi sulineq aamma malittarisassanik eqquutitsiniarnermut assigiiartumik piukkunnaateqarluartunillu ingerlanneqarnissaa qulakkiissallugu, tamannalu sunniteqarnerpaamik ingerlanneqarsinnaavoq piniarnermik nakkutilliisoqarneq ataatsimut ataqatigiittutut inissisimappat qitiusumik aqunneqarluni.

Inussiarnersumik inuulluaqqusillunga

Randi Vestergaard Evaldsen



29. april 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. Piniarnermut Aalisarnermullu Nakkutilliisut sineriapiluunersuatsinni amerlisarneqarnissaat pillugu Naalakkersuisut qanoq pilersaaruteqarpat?**
- 2. Sinerissatsinni nakkutilliisugut atugassarititaat naammagisimaaginnarneqarsinnaanngitsut tusarneqartarpoq, atungassarititaasut soorlu; angallateqarnerit allallu assigisai qanoq Naalakkersuisunit pitsanngorsaavigineqarnissaanik siunnerfeqartoqarpa?**

(Inatsisartuni ilaasortaq Aqqalu C. Jerimiassen, Atassut)

### **Tunggavilersuut**

Sineriassuarput angeqaaq, uumasooqarnermigullu piniakkat uumasut aalisakkallu taassaannngiusartumik amerlassusillit pigivagut. Aallaaniarnermullu inatsiseqarpugut, ajoraluartumillu sineriasuatsinni maanna unioqqutitsilluni aallaniarnerit tusarsaajuarpugut takussaajuarlutillu.

Piniarnermut Aalisarnermullu Nakkutilliisugut tassaasussaappugut sinerissatsinni inatsisinik malinnitsitsisussat. Taamaattumillu pingaartuuvoq tamassuma nutartertuarnissaa ullumikkumullu malinnaatittuarnissaa.

Tissiataarutit nunani allaneersut nalunaarsorneqaratik allaat tusartalersimavagut maanna sinerissatsinnut pulariarlutik nunatta pisuussutaanik tigooqqaasartut, ilaatigullumi allaat timmissat nungunnissaminnut ulorianartorsiorsinnaasut manniinik tigooqqaasarlutik. Tamakkumi tusartuakkat uppernarsisariaqalerpagut paasiniaaffigalugillu, ilumoorsimappatalu iliuuseqarfigalugit.

Nakkutilliisoqarnerput sipaggarinnerpaatut pissuseqarfigineqarsinnaanngilaq illuanillu namminiilivinniassamik nillianiannguasaartoqartoq, nunattami avammut isigineqarneranut illersuutigaagut, taamaammallu inerisaavigiuartariaqarlugit.